

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第七冊

補編第七冊目次

南園詩鈔十卷

〔清〕尤世承撰
復旦大學圖書館藏清乾隆刻本

一

華鄂堂詩藁二卷附研山十詠一卷

〔清〕周彝撰
北京圖書館藏清康熙刻本

六〇

圭美堂集二十六卷

〔清〕徐用錫撰
清華大學圖書館藏清乾隆十五年刻本

八七

吾廬先生遺書不分卷

〔清〕陶成撰
清華大學圖書館藏清鈔本

三三九

三華集五卷附豫章書院唱和詩一卷

〔清〕梁機撰
江西省圖書館藏清刻本

五二六

小蘭陔詩集八卷

〔清〕謝道承撰
北京大學圖書館藏清乾隆三十八年刻本

六五九

南園詩鈔十卷

〔清〕尤世求撰

復旦大學圖書館藏清乾隆刻本

附《四庫全書總目·南園詩鈔

十卷》提要

南園詩鈔卷一

長洲尤世求念修

金臺草

尋樂軒

不知禹稷憂還尋孔顏樂。嘯歌丈室中。俯仰鮮愧怍。清曠無一塵。志趣自灑落。愛靜復愛閒。終年此棲托。

南園書屋卽事

迥無城市雜。野曠盡原田。風月宜清夜。雲山出遠天。柳堤垂釣去。草閣枕書眠。卽目堪圖畫。何須美輞川。

遣興二首

浮雲蔽白日。遠風吹散之。昭昭天宇闊。爽氣生書帷。散步西窗下。呼童掃堦墀。設我曲肱牀。攜我手鈔詩。久坐

蒸炊中。高枕乃相宜。雖非懷葛民。恍似羲皇時。

夜深坐前庭。情景兩清絕。感茲牛女星。已屆素秋節。長河橫西南。箕斗正森列。披襟受涼風。舉手邀明月。萬籟寂無聲。浩歌振林樾。

池河蚤發

客心悲蚤發。悵望未明天。野店更籌斷。遙邨樹影連。沙平疑月映。石仆似人眠。古剎鐘初動。晴山散曉煙。

滁州道中

雨霽滁陽道春風三月天小桃明夾岸新柳暗平川古
寺泉聲近孤城山色連醉翁行樂處翹首阻攀緣

鄉縣恭謁孟夫子廟

咫尺宮牆亞聖祠入門古栢列參差事功未建齊梁國
論贊徒傳唐宋碑手定七篇明正學身承三聖放淫辭
仰瞻廟貌長巍煥養氣知言百世師

威縣蚤行

雞鳴驚客夢驢背戰西風野火明林隙殘星浸水中雲
興月色澹霞散日光紅不識羊腸路停鞭問老翁

河間題壁

不作風塵客誰知行役難馬頭殘月冷鴈足暮雲寒壯
志輕千里愁懷耿百端持杯聊自慰計日到長安

石鼓歌

我來太學歲戊寅整肅衣冠謁廟宇仰瞻聖殿何巍巍
萬仞宮牆正延佇庭前古栢干雲霄戟門兩旁立石鼓
面如盤孟腹如甕叩之無聲手頻撫推詳字句尋點畫
幾行僅得一二語車攻馬同好且駒惟楊惟柳橐魴鱖
其餘剝落更模糊摩娑三嘆多齟齬才非子雲心好奇
有字不識等愚瞽傳聞在昔周宣王岐陽大蒐振軍旅
會同朝覲開明堂伐石紀功表山鳩蟲文鳥篆知者稀

史籀不作後誰補榮光萬丈射斗牛碑碑岱碣焉足數
歷秦漢魏迄三唐淪棄陳倉委荒土宋從京兆移汴梁
嵌金其陰遭剽取元時名臣稱虞集請置成均列廊廡
神物顯晦有數存天公默護疇敢侮惜哉雅頌未入編
遂令儒生失訓詁韓蘇詩句闕雄健長篇險韻寄酸楚
歐陽集古頗致疑工王我遜誰能譜方今天子允神
聖遠臨絕塞殲跋扈姬宣功烈何用誇大德廣運邁三
五封山濬川巡侯甸四門穆穆舞干羽辟雍聲教正洋
溢諸生濟濟東西序園橋觀聽以萬人樸械干城集天
府願將勲業銘景鐘與此石鼓垂千古

黃金臺

臺以黃金名黃金有幾許不爲黃金來黃金何足數望
諸樹奇勲昭王成賢主俯仰感慨生臨風獨延佇

姜西溟太史題余家園讀書之處曰遂初舊學

漫賦二首

家在滄浪亭子東山邨水郭畫圖中入門只有千竿竹
依樹因成一畝宮長日吟詩移薤葉閒窻啜茗聽松風
而今匏繫空追憶目送南飛冥冥鴻

祖德迢迢五百年梁谿廟貌故依然心傳直接程朱後
詩品還居范陸前尤楊范陸號中興四將敢說肯堂兼肯構尙思

希聖與希賢。文章本是千秋業。歎息遺經久絕編。公所著

立秋

夏去秋來又一時。寂寥僧舍暫栖遲。莫嫌烈日如宣子。且喜清風似伯夷。結客未逢燕市侶。思歸空負鹿門期。筆牀墨沼還依舊。排却閒愁強賦詩。

憶別

憶別家園又一年。行藏未定兩茫然。畏途直似春冰薄。好景難如秋月圓。臺上黃金無國士。山中白雪有高賢。東方索米非長策。何似歸耕郭外田。

扇戶

塵沙匝地起扇戶。正相宜。識路無黃耳。隨身有雪兒。放翁得貓名雪兒寒窗開卷靜。凍筆作書遲。半炷香銷後。簾前日影移。

冬夜讀書

直北嚴寒地。霜風正怒號。更長燭。燄短夜靜。角聲高。樸學嗟何用。狂歌興自豪。呼童煨榾柮。佳茗勝卮醪。

二首

偶讀西堂集中家。在江南。楊柳卽詩。悵然有感。蕭瑟西風感夢魂。空堂人去鳥聲喧。且看一片長安月。

猶照江南楊柳卽。

遊魚抱子稻生孫。三徑荒蕪松菊存。最愛堤邊烏臼樹。秋深紅葉覆柴門。

御題鶴栖堂匾額。賜家大父恭紀二首。

白髮康強過八旬。迎鑾此日拜楓宸。問年蚤識

天顏喜。灑翰遙看御墨新。捧得吳綾驚照耀。傳來蓬

室覺嶙峋。同時侍從多沾賜。帝眷偏隆舊史臣。

快覩奎章出禁廷。鶴栖玉榜錫嘉名。豈惟聖世崇

文學。自是皇衷重老成。金闕曾陪鸞鷟舞。丹山好伴

鳳凰鳴。江湖那得酬君睨。長戴堯天詠太平。

過慈仁寺

欲上毘盧心力慵。徘徊閣下訪遺踪。他年歸去應相憶。獨有慈仁寺裏松。

西行留別同學諸子

寒冬風雪裏。疋馬入西秦。慷慨輕長道。艱難訪故人。函關應望氣。渭水自知津。相別無多日。重來及蚤春。

真定道中

青山綠水接平疇。楊柳參差傍畫樓。好似河陽花滿縣。使君底事不風流。

長途

長途騎病馬鞭策豈辭勤風急塵如霧山高峯入雲寒
鴉棲老樹野兔走荒墳遙指人煙裏前臨衛水濱

夜過華陰有作

星回斗轉歲崢嶸一日程兼兩日程茅店停車無犬吠
荒郊杖策有雞鳴僊人掌上霜初落玉女峯頭月正明
嘆息高山徒仰止誰教鹿鹿過浮生

萬里橋

走遍天涯路方過萬里橋草堂何處是山色入雲霄

長安懷古二首

金城天府帝王都表裏山河實與區韋杜林泉長寂寞

蕭韓祠廟久荒

欲向慈恩登鴈

九州形勝說關中

竟無雞犬識新豐宋好

尚憶長安多勝蹟詠懷詩句愧難工

和康孟謀孝廉謁漢武帝茂陵詩四首

漢武威名震百靈東封泰岱禪云亭俳優豈合居方朔
奴僕無端出衛青長孺公忠雖赦罪史遷尊寵已遭刑
兵戈卅載窮民力難襁蚩尤天上星
軒轅百戰學神僊不遇洪厓與偕佺塞外將軍尊廣利

房中協律貴延年司農已算舟車賦少府重更榆莢錢
最是鼎湖堪墮淚茂陵松柏鎖寒煙

雄才大略古今誇功烈巍巍茂以加乍見白麟遊禁苑
爭看天馬入皇家海邊蘇武自持節河上張騫空泛槎
猶記汾陽禮祀後秋風蘭菊動悲嗟

昆明池水接瀛洲又築僊居十二樓誰料千秋能作相
豈知卜式已封侯詞章漫說鄒枚富功業空思衛霍優
嘆息求賢頻下詔廣川三策幾曾收

述役

仲冬寒氣勁朔風吹凜冽鬚忽生冰徹裘冷於鐵手

足盡包裹每難伸與屈干林髮鬆花飄飄似飛雪天低

日色黃遠山空截辭河流入地中沙邊棄舟楫燕雀凍

無聲狐兔悉歸窟飢渴困長途客懷愁百結張茅硤石
間羊腸最險絕馬駭飛鳥影疾奔不可掣性命在須臾
驚定心猶惛始信行路難夜夢時吃蹶入關卽出關往
返已踰月黃金隨手盡征車未停轍漫遊良足悔歸來
莫彈鋏

家鄉

家鄉何處是南望不勝思日暮驅車急天寒策蹇避空
山餘古廟野火浸殘碑風景蕭條甚吾將泣路岐

烏嶺

烏嶺東西峙重疑過二嶠雲煙生馬足冰雪積山坳寺廢僧無侶林荒鳥不巢崎嶇端氏道小住望衡茅

太行山

太行之山何嵯峨衆峯林立千雲霄一氣磅礴數千里西連秦隴東薊遼上有金玉下碧水姬滿八駿常遊敖石罅清泥豈易得王烈僊去焉可招我來登陟值寒月天色杳冥風蕭蕭詰曲欹傾勢峻岨輪摧車覆生憂懽橫行直上石齧足雪深冰滑須持牢不然舉步分寸失一落懸崖殊難料重障瞥見於菟跡絕壁之間走猿猱

南園詩鈔

卷十

木石精怪靡不有山鬼白日常悲號遠遊失意歷危險驚惶性命輕鴻毛振衣還上最高嶺雙股戰栗心旌搖俯視萬山相朝拱隱隱城堞圍其坳中州人物似足練川原林木入畫描明晨已得出隘口越阡度陌皆平臯馬蹄輕疾僕夫喜舉頭但見蒼旻高

遊通法寺二首

曲徑荒灣野水平人家高下列柴荆閑中何處銷清晝惟向邨南古寺行車馬當時滿草菅而今誰復叩禪關烏啼鵲噪斜陽裏只有孤僧自往還

旅居卽目

何處尋詩去行吟及九秋捲簾風入座出戶月當頭積水前邨斷寒煙遠樹浮石橋連草徑彷彿故園遊

麥秋

冉冉流光去似梭麥秋風景尙清和懷中久減彌衡刺道上常遭霸尉呵豪士從來憐識短文人自古患才多要知窮達皆天命莫把陰符費揣摩

中秋過陸默存寓齋小飲

秋來燕羽久差池良夜招邀有故知天上嬋娟逢月姊座間瓊爽值風姨盤餐錯落難言儉杯酒沈酣易覺遲久作旅人歸未得小山叢桂不勝思

南園詩鈔

卷十一

九

作家信訖因書二律於後

作客緣何事淹留二載餘馮驩未彈鋏賈島尙騎驢骨相由來薄世情終覺踈浪遊誠失策蚤晚返蓬廬小園好在否屋宇近何如堤上柳柳牆邊且種蔬庭花常灌溉徑草略芟除更有丁寧處臨池莫釣魚

旅中自述

我家在何許滄浪亭子曲郭外數峯青堤邊一水綠茅廬三四間嘉蔭得喬木新栽兩株松古梅及修竹賴此歲寒友日夕伴幽獨南陔有數弓其地頗衍沃不辭四

體勤種藝富野菽小摘供朝膳香味勝梁肉一飽便欣然廩內尚餘粟平生好圖史架上列千軸與至即開卷小須便累牘當其快心處高吟振空谷讀書兼灌園生平願良足竭來遊京華三載易寒煖客久黃金盡御冬鮮旨蓄朔風利如刀敝裘未能贖長饑而漸黃多病癯將禿翩翩諸少年冠蓋競馳逐素秉丹石心介焉異時俗野馬不受羈方輪難轉轂終當返邱園閉門耕且讀逍遙以永年無寵亦無辱

進館感懷

翻書譯字漫咨詢函丈從容有笑囑弟子北方稱學者

南園詩鈔

卷十

十

先生南國是文人循環寒暑終難間往返朝昏敢厭煩車折輪摧成底用空教炊釜作勞薪

雨後西溪小汎

野徑延幽步石橋來往通淺沙濕細雨新燕舞輕風近郭平林綠前邨古廟紅扁舟聊小汎水色正空濛

憶封溪菜花

朝朝敲得菜根香尚憶花開說故鄉澹蕩風吹芳草綠陽和日照野田黃歌聲每愛流鶯轉舞影還憐粉蝶忙南陌東阡來往近時邀鄰曲醉壺觴

齋中

齋中一卷日相親始覺詩書自有神淺陋未曾疑杖杜羸疎何敢改金銀欲求奇論思齊士最愛清言憶晉人十載寒窗成底用焚膏繼晷枉艱辛

與孫洪圖話舊

小試淮南才未據飄然襖被賦歸歟服官已作三河表謝病猶存兩箇書儉德家門無製錦清風衙舍有懸魚姓名定入循良傳暫向膠東返遂初

晤孫殿符同遊王氏怡園限韻

兩載居停綠野園長才賦手久推袁坐來月榭雲霞麗行過風亭水石喧短約橫斜依竹嶼修廊曲折繞花原

南園詩鈔

卷十

十

眼前便是神僊境遊戲時呼詞裏猿

遊金魚池

館課有餘暇池邊聊寓目文魚藏深潭一水靜寒淥此地久荒蕪一朝建華屋首善惟京師興賢賴義塾學舍及講堂鱗鱗萬瓦覆耳聞絃歌聲諸生勤誦讀養此咫尺材他年作棧樸盛世方右文成均專教育兩齋師道尊六館講席肅執經羣士趨角藝千人逐自愧磨礪姿却令驂騏驎日踏東華塵月廩太倉粟每誦書我詩成材若林麓今來池上遊百堵新版築文德既誕敷雅化洽聲殷竹垞天書來榮光遠近囑

促織都人謂之姑姑冬月刻板
藏之置於暖處鳴聲不絕

野曠霜風急半窗澹月明寒雞猶未唱倚枕聽蟲聲

將歸

浪遊真失策不覺四年餘已得辭京邑行將返敝廬炎
天宜檣楫遠道便柴車髀肉消來久何妨策蹇驢

臨行留別二首

驪駒歌罷促征鞍涉水登山遠道難雙手不遮南去日
漫言五月出長安放翁詩人生快意
事五月出長安

河梁攜手黯銷魂他日扁舟肯過存說與諸君須記取

滄浪亭北小南邨

南園詩鈔

良鄉道中

襖被今朝出帝畿鄉心客思兩依依城邊官柳連平楚
天半閒雲護翠微但得涼風能拂面何妨小雨便霑衣
馬蹄已去東華遠不解塵沙猶自飛

趙北口

燕南趙北馬蹄忙數里池塘水色涼野店小橋深樹裏
菱花荷葉似江鄉

江邊阻風

馳驅二十日辛苦到江邊未得乘風去還須聽雨眠
聲京口急山色海門連遲速原無定蘆中暫打船

抵家

自別家鄉忽五年入門相見各欣然期願堂上方重慶
詩禮庭中幸再傳南園舊存三徑竹西園新放一池蓮
眼前風景佳如許借隱何須泛釣船

過南園書屋二首

昔日林園裏蓬蒿石徑迷小松踰老樹新竹遶荒畦入
室除蛛網開窗落燕泥藏書雖好在散亂未能齊
主人于役久几席自塵封曲檻藤陰合小山桂影重投
林乾雀噪臨水子魚鳴相對誰青眼門前有數峯

南園詩鈔

主

南園詩鈔卷一

南園詩鈔卷二

長洲九世求念修

冰壺草

雨中往西山

山靈久有約鼓棹春風中佳晨過寒食邨邨花柳同無
端嶺雲合細雨時濛濛西南失青翠何由辨羣峯窈窕
入林麓頓覺煙霏濃竹栢垂纓絡雲霄搖杉松屏翳勢
未已澗水流沖湫沉冥日將夕微聞遠寺鐘

空谷謠

南園詩鈔

卷二

一編書微風動松竹

放鶴亭

支公放鶴處乃在茲山中羣禮大士像孰識高人踪石
亭何突兀斧鑿煩人工朝觀海上日暮聽松間風鶴去
幾時歸千載雲山空

料理小園偶成

繞徑蒼苔與綠蘿掃除一室作書窩圻牆欲覓王承福
種樹還尋郭橐駝但得涼風眠北牖莫教妄想到南柯
幾時勘破窮通理對鏡能銷煩惱魔

閑步

閒步長廊日影遲落花飛絮暮春時陰晴野鳥應先覺
冷暖遊魚不自知郭外青山供作畫溪邊翠竹待題詩
貧居頗愜幽人興底用絃歌三徑資

石門顧汝周見過

掩扉南田上心清境亦幽比隣無良友意氣罕所投好
風自南來吹子到林邱契闊欣會面情話悅綢繆荒齋
一尊酒庶足供淹留云何不小住遽起尋歸舟日入庭
樹暗暮色蒼然浮惆悵送君去離情秋水流

淮上

南園詩鈔

卷二

二

淮水湯湯日夜流洪河底定幸無憂風雷久徙蛟龍窟
沙汭新成鴈鷺洲烽火百年殘壘盡亭臺千載斷碑留
閒雲出岫歸何處漂泊清江一葉舟

迦河遇風雨

迦河之水渺無際積土爲堤石爲橋勢合三江并七澤
蛟龍出沒鼉鼉驕微風鼓動雪浪湧環激化作千珠跳
我行堤外遠險阻波平帆正同遊遨茅屋數家臥黃犢
綠楊下繫漁人舠西南山色青不斷蒼翠入目手可招
當前佳景聊一快但苦烈日難遁逃俄傾空中黑雲合
電光閃爍雷聲高狂風疾捲埽煩暑東雨傾倒翻天瓢

此時河水更震蕩如馳萬馬驅六鼉徑須放舟破浪去
一口千里良足豪胡爲困守夢花岸長繩牢繫愁銜鸞
鯨吞鵬擊未及柳中心拂鬱焉能銷

送陳致堂赴任黔中四首

萬里嚴程去馳驅敢憚勞未能舒驥足聊且試牛刀賦
薄生猶感山多地不毛懸知冰蘂操勺水念民膏

莊園開邊後牂牁路不迷蠻苗蹲黑箐獐獠舞幽溪天
雨鳴銅鼓春風聽竹雞官閒登眺好絕壁口留題

昔年登虎觀竿陣掃千軍射策同張李論交比紀羣飛
鳬臨貴竹旅屬滯燕雲莫遣相思切音書杳不聞

南園詩鈔

卷二

三

山海梯航集何須慮夜郎星文應參井風土接荆梁花
種河陽縣酒傾彭澤觴三年政成後粉署好含香

南歸

何意今朝鵲首東挂帆正好趁西風飯香不覺留犁滑
酒列寧辭鑿落空瀟灑襟期看皓月飄零身世感秋蓬
路河一望煙波闊綠樹青山處處同

濟寧登太白樓

海上騎鯨客高居百尺巔詩推作者聖人是飲中僊但
屈將軍手還登天子船淒涼夜郎去千載尚生憐

杜子美南池

城隅纔數武勝地識南池未拜先生像徒吟秋水詩麻
鞋千里急幕府十年遲無限低徊意蘆黃葦白時

仲家淺謁先賢衛公廟

聖門非易入仲子已升堂從政才惟果兼人總是剛片
言能折獄三載可知方地接尼山近名隨泗水長累朝
隆俎豆世族守蒸嘗銀榜雪霞麗璇題龍鳳翔高齋新
斧藻遺像粟秋霜未得陳牲酒空留一瓣香

渡江

長江一水分南北京口三山自古今遠渚潮回無尺鯉
浮圖日暮有孤禽騷人漫作投鞭語天上常懷擊楫心

南園詩鈔

卷二

四

鹿鹿塵中緣底事蕭條又值蚤寒侵

歸家

離家二十句征途七千里歲暮乃歸來一帆冰雪裏倚
閭慰老親候門趨稚子旣得息風塵僮僕皆色喜高齋
方瞳翁天錫享遐祉花月侍琴尊園林隨杖履河清將
幾時人苦不知止但須二耜田躬耕以沒齒

送春日小集限惜陰韻二首

春去誰能留送春如送客綠暗紅已稀只有酴醾白天
氣晴且和宜蠶復宜麥邂逅素心人壺觴聊共適爲歡
雖偶然此景他時惜

來禽得美蔭時時送好音莫歎青陽去歲月常駸駸人知愛尺穀何不競寸陰有詩皆可詠奚分古與今有酒皆可飲寧論淺與深卽事成彥會悠哉懷竹林

孫開文招同山陽邱洪巖飲墨雲堂二首

天章燦爛日華浮彝鼎圖書位置幽嘉客才名仰淮海故人言笑並蘇州交情澹遠還如菊心迹蕭閒已似鷗美酒百壺好沉醉傳杯到手莫遲留

慚無雞黍邀良友敢借清尊頻獻酬鄉里張陳俱自得門牆彭戴竟誰優十年車馬迷塵夢萬疊雲山慙壯遊此別相逢定何日香銷燭地話綢繆

南園詩鈔

卷二

五

杪秋漫興

愁雲絕塞飛征鴈澹日孤邨集晚鴉遊子昔曾吟落葉閒身今得伴寒花常將脫粟貽書肆那有餘錢付酒家寂寞蓬門且休訝由來親友似搏沙

搏沙用東坡語

遊君山

草枯木落征鴻飛江頭客久心依依侵晨策蹇北門去徐步吟帶上翠微一覽茫然極萬頃煙波浩蕩洲渚靡風帆浪船渺相接南往具區北淮漸少焉潮生水沸湧噌吰鐘鎔九奏僊疎松清響相間起又似笙竽鳴房闌人言絕頂有刻石天書璀璨星日輝山高水闊望更

遠海門京口皆可睇同行攀躋出木末吾尙徙倚亭之

碣登臨詞客每懷古佳句爭欲同珠璣仙令

詩刻石

高壓羣彥鴻篇鉅筆留嚴扉往日暨陽稱險要至今戍

守需戎衣岡阜連綿十餘里土埃歷歷賦素旂懸崖奇

石鷺翼嘴臨流常作漁人磯欲往潮灣迷舊徑羣峯遙

望皆崔嵬日夕急鞭出林樾橫雲四合山鳥歸紆迴遠

道入城郭兩家人靜燈火稀何當山麓結茅屋時時高

下窮煙霏江月江花作朋侶清尊飲罷瑤琴揮

過曹氏漫園

歎息雲亭廢無人載酒過徑荒庭石亂屋老瓦松多朝

南園詩鈔

卷二

六

爾山容淨斜陽鳥語和寒風吹沼水猶自起微波

金陵雜詩八首

鍾山王氣已銷沉六代豪華杳莫尋古蹟尙傳桃葉渡

清秋簫管發商音

過江五馬一成龍王謝衣冠孰與同淮水至今猶未絕

烏衣舊巷草連空

夷甫諸人啓亂階清言底事輒稱佳石頭取節良多愧

死難忠貞父子偕

簾奪齊梁幾戰爭湘東一目竟無成祇餘嗚咽青溪水

尙傍官牆到冶城

結綺臨春歎寂寥
瓊枝璧月怨難銷
當時狎客稱江孔
可奈新詞向碧霄

林泉何處最堪娛
欲乞君王賜北湖
南國尊賢如不及
偏教賀老舉朝無

花中月裏闌嬋娟
素襪凌雲舞態妍
應鑒景陽當日事
還留一井在樓前

誰寫朱絲燕子箋
音聲小部好流連
恩牛怨李爭何事
跋扈將軍應自憐

江干阻風遊弘濟寺

誰知明月夜竟作白雲天
風雨既如此江山皆黯然而幽

南園詩錄 卷二

花清澗落奇石翠崖懸
傑閣還登眺春帆繞寺前

渡河

東南地卑水所會最難治者
淮與黃清濁既分強弱異
奔騰潰決須隄防
策下捷功不易十年宵旰勤
廟堂憶昔南過徐州道
復由盟津趨北邙
狂飈漲霧連天黑
臨流欲濟時榜徨
潼關之下水如帶
往來未得乘輕航
只今幸遇風浪靜
朝曦倒影搖清光
順流俄頃十餘里
何異駿馬馳康莊
願借長風學宗慙
恣遊溟渤窮扶桑
不然浮槎隨漢使
往觀天孫成七襄
何爲役役風塵裏
南轅北轍徒奔忙

張夏蚤發

古寺響蒲牢
前邨雞始號
風吹千樹曉
月落衆山高
不爲關山遠
誰教僕馬勞
炎天愁烈日
仰望首頻搔

出都

乍入長安便出都
何堪六月復馳驅
扁舟歸去秋光好
不汎三江卽五湖

過濟南

停帆隨意泊沙汀
齊魯諸山儼畫屏
濟上名泉七十二
緣何第一是中泠

南旺

南園詩錄 卷二

炎風烈日客心愁
雨後涼生六月秋
但聽蟬聲在堤柳
誰知帆影過邨樓
南山相對東西峙
一水中分南北流
自此歸途較輕捷
計程千里達揚州

沛縣夜行

明月照蓬窗
悄然良夜靜
舟行客不知
已入江南境

立秋日至揚州

奔走紅塵非一載
天邊日月幾盈虧
已爲南北東西客
莫問春秋夏時暑
雨未銷淮水漲涼風
何慮布帆遲
腰纏騎鶴終難事
且聽樓頭玉笛吹

聞鶯

春陰散後日初明新柳枝頭立小鶯似爲幽人耽寂寞
好風時送兩三聲

孤山調林和靖墓

我思林處士甘載隱孤山人是巢由侶詩居章柳閒亭
臺供嘯傲梅鶴伴清閑封禪無遺豪高風愧懦頑

岳武穆墓二首

風吹雨散曉煙收徐步西泠弔岳侯百戰勳名垂竹帛
生忠義敵松楸侯墓在東而墓木皆南向藏弓自聽權奸計屈膝
誰爲社稷謀莫嘆夫差竟亡國三年尙報閻廬仇

忠臣原不計身全留得封章千載傳祇有丹心能貫日

南園詩鈔 卷二十一 九

遂無人力可回天六軍南渡功推首四將中興禍獨先

開府江淮誰任使懸知抱恨在重泉孝宗時張魏公復視師江淮自符離

之敗乃用和議

冷泉亭

煙霧疑霖霖白日晦如夜山高林木深澗闊泉爭瀉當
前佳景多應接殊不暇坐久春風吹飛花落亭下清言
資茗柯賞心憶杯棗遠聽南屏鐘野鳥鳴桑柘

飛來峯

吾聞靈鷲峯本在中天竺不知是何年飛來武林曲深
壑乳泉流陰崖苔蘚綠草木絕根株分寸攢箭鏃蛟螭

神龍蟠鬱屈老蛟伏常恐乘風雷奔騰出林麓

韜光庵

南山鬱岩巖浮圖矗天半石磴計千盤屈曲脩蛇轉解
衣體自輕攜杖足亦健素無濟勝具何意躋攀使山門
杳深沉高閣聳輪奐下有金蓮池池深白石梁龍口水
飛流撒波魚可玩靜憩心悠然頓覺羣塵遠開軒望大
江煙雲乍迷漫衆峯失蒼翠連山中不斷颭颭寒風吹
松竹互凌亂陰晴任天公日夕幾回變

于忠肅公墓

王師敗績在土木敵兵北來勢莫當整頓乾坤賴人傑

南園詩鈔 卷二十一 十

武林司馬登巖廊決策捍禦闢和議手扶日月全危疆

鞠躬盡瘁七年內邦家再造功非常金脾玉符存故府

外藩之誣喧朝堂奪門迎駕偶僥倖悞信姦佞誅忠良

嗚呼于公死不朽千秋萬世流芬芳有貞失寵謫金齒

曹石謀叛膏斧斯孤忠許國天所鑒事久論定名益彰

憶昔建炎南渡日干戈不用驅貪狼岳侯忠勇冠諸將

力圖雪耻罹禍殃兩公偉烈著青史湖山祠廟遙相望

天生忠義安社稷遂與千古扶倫常上爲日星下河嶽

兩間正氣無時亡

吳山大觀亭

春宵美睡不知曉披衣忽聽倉庚鳴相約泛舟入郭去
且喜雲散風日清吳山十廟遊未徧探奇還上松間亭
西北高峯推第一兩目所及萬象呈湖山煙水接几席
錢塘井邑開畫屏登臨自昔有勝地誰能得此兩美并
大江東來將入海沙渾回薄初怒生雷霆初發風雨至
魚鼈出沒蛟龍騰珠宮貝闕忽湧現素車白馬旋變更
舞刀弄旗真兒戲三千弩射潮頭平臨安形勝甲天下
江上大觀誰與京何當八月十八日重來復向吳山行
此時光景更奇幻蜃樓海市空中成徑須乘潮挂帆去
往遊渤澥登蓬瀛

南園詩鈔

卷十一

七

龍井寺

夜雨曉來止日出山蒼然一葦過湖外徐步風嶺前松
竹翠如洗澗水相奔旋曲徑遇岐路乍行却復還樵採
少人至遙聽鐘聲傳入寺訪古蹟老僧向我言指示殿
傍井昔口潛蜿蜒上有神運石扣擊生雲煙禱雨雨輒
應靈異碑版鐫孰意一勺水變化成巨川讀罷少游記
壁間有秦少游
遊龍井寺記
却憶東坡篇乞水洗病眼看字消殘年
公言定不妄持取清泉在昔熙寧時梵宇隆諸大車
馬常如市遠近輸金錢二老既西去神龍不歸淵空餘
古靈湫日夕流涓涓

西湖雜詩六首

山外青山湖外湖柳絲花片點冰壺真成一幅天然畫
待我三人入畫圖

時沈美初吳
于丹同遊

蘇公堤畔任閒行翠柳枝頭黃鳥鳴十景亭臺新建就

君王一白題名

孤山小汎雨濛濛人在輕煙薄靄中便與西湖添勝景

瀟湘尺幅畫難工

欲灑晴波徹底清風來鱗甲鏡中生三秋夜月三潭印

疑是天邊白玉京

尋山問水訪精廬美景良辰興有餘玉輦不來春欲

南園詩鈔

卷十一

三

玄初成雲母藕花居

朝向西冷沽酒去晚從東浦看花還湖邊景象更新久

不解真山作假山

南園詩鈔卷二

南園詩鈔卷三

長洲尤世求念修

冰壺草

陽春曲

三十六宮人。一一望陽春。浮雲能蔽日。朝暮翠娥顰。輦車過處聲轢轢。那得回光照妾身。君不見向衣軒中恩寵私。咫尺長門非昔時。千金空買相如詞。

雞鳴歌

庭樹無聲露華白。雞鳴夜半催行客。出門杳杳迷阡陌。馬蹄踏盡狐兔迹。高堂宴飲樂未終。燭影朦朧旭日紅。

南園詩鈔

卷三

白團扇歌

郎持白團扇。清風來宛轉。炎涼有幾時。相棄還相見。

秦淮寓舍三首

畫棟朱欄映水湄。幾株楊柳綠參差。秋風不比春風好。却愛蕭疎月裏時。

千金買笑祇虛名。比屋珠簾貯燕鶯。始信當年歌舞地。夜深常聽管絃聲。

細雨斜風橫釣舟。清溪一曲有魚遊。千年王氣歸何處。潮落潮生水自流。

金陵懷古二首

江上青峯劍戟森。赤烏遺蹟杳難尋。何人獨灑新亭淚。

有客偏知謝傅心。戰成千年留壁壘。樵蘇幾處識園林。

霓裳法曲空傳譜。惆悵檀槽金屑音。

中原人物推江左。南渡衣冠萃永嘉。今日尙傳同泰寺。當年誰唱後庭花。詞章江孔徒稱艷。功烈曹武惠劉忠。

肅亦足誇多少。朱門零落盡却教飛燕到貧家。

登燕子磯

振衣直上最高峯。縹緲孤亭聳碧空。煙水蒼茫禪海外。帆檣隱現大江中。六朝宮闕生禾黍。四鎮兵戈化鶴蟲。古往今來幾興廢。蕭蕭蘆荻起秋風。

南園詩鈔

卷三

金山

江流誰砥柱。千古有金山。水底魚龍靜。沙邊鴈鶩閒。崢嶸成險地。縹緲出塵寰。玉帶橋如舊。高臺未許攀。

遊慧山秦氏園亭

名園傍山麓。邱壑皆天然。參差林木秀。窈窕棟宇連。蒼崖白石下。活活鳴清泉。一泓秋水碧。魚鳥同歡妍。溪光及山色。不隨歲時遷。何當作鄰曲。晨夕來池邊。

陸子泉

山自何年闢。泉因陸子名。空亭黃葉裏。坐聽竹爐聲。

謁道南祠